

ಫಿಲಿಪ್ಪಿಯವರಿಗೆ ಬರೆದ ಪತ್ರಿಕೆ ಪಿಲಿಪ್ಪಿವಾಲಾವೊನೆ ಬರ್ದಲ ಪತ್ರ ವಳಕ

ಪೌಲಾ ಕ್ರಿಸ್ತ ಹುಟ್ಟಲಪರ ಕಮ್ಮಿ ಕಮ್ಮ 61 ವರಕ್ಕಮಾ ಎ ಪತ್ರ ಫಿಲಿಪ್ಪಿ ಗಾಮನಾ ಸಬೆವಾಲಾವೊನೆ ಬರ್ದೊ ಎ ಟೈಮ್ತಾ ಜೆಲ್ಮಾರ್ಡಯಲ (1 ಅದ್ಯಾಯಾ 13 ವಚನಾ). ಎ ಪತ್ರ ಫಿಲಿಪ್ಪಿ ಗಾಮ್ನಾರ್ಡಯಲ ಸಭೆನೆ ಬರ್ದಲ ವ್ಹೈ ಅಪೊಸ್ತಲ ಬರ್ದಲ ಪುಸ್ತಕಮಾ ಫಿಲಿಪ್ಪಿನಾ ಹುತಿ ಹಮೆ ದಕ್ಟಿಯೊ ವಿಚಾರೊ ಶಿಕ್ತ ಸಕಿಯೆಸ. ಫಿಲಿಪ್ಪಿ ಗಾಮ ಮೆಕೆದೊನಿಯಿ ಪ್ರಾಂತ್ಯನಿ ರಾಜಧಾನಿ ಥೈತಿ. ಎ ಸಭೆ ಮೆಕೆದೊನಿಯಾಮಾಭಾಂದಲ ಪೈಲಾನಿ ಸಭೆ ಥೈತಿ ಪೌಲಾ ವರಿ ಸಿಲಾಸ ಎ ಸಭೆ ಶುರು ಕರ್ರ್ಯಾ ವರಿ ತ್ಯಾ ರ್ಡತಾಮಾ ತ್ಯುನೊನೆ ಯಕ್ಕ ರಾತ ಜೆಲ್ಮಾ ಘಾಲ್ಯಾತಾ. ಎ ಪತ್ರ ಬರ್ದಾನೆ ಪೌಲಾ ಘನಿಯೊ ಉದ್ದೆಶೊ ವಸ. ತೆ ಎ ಮೌಕೊ ಅಪೆ ಜೆಲ್ಮಾ ಲೆ ಕೈನ ಐಕಿನ ತ್ಯುನೆ ಮೊಕ್ಲಲ ಉಡುಗರೆನಾ ಹುತಿ ಧನೈವಾದ ಕವಾನು ಉಪಯೊಗ ಕರಸ. (4 ಅದ್ಯಾಯಾ 10 ತಿ 19 ವಚನಾ) ತೆ ಜೆಲ್ಮಾ ರ್ಡಯಲ ತ್ಯುನಿ ಪರಸ್ಥಿತಿ ಹುತಿ ಬರ್ದ ವರಿ ತಿಮೊತಿ ವರಿ ಎಪಪ್ರದಿತ ಸಭೆನು ವಳಕ ಕರಿನ ದಿವಸ (2 ಅದ್ಯಾಯಾ 19 ತಿ 30 ವಚನಾ) ಇಮ್ಮ ತ್ಯುನೊನೆ ಸ್ವಾಗತ ಕರಾನಾ ಹುತಿ ವರಿ ತ್ಯುನೆ ನಾಯಕತ್ವ ಮರ್ಯಾದಿ ದಿವಾನಾ ವರಕ್ಕು ಕರ್ರ್ಯೊ.

- 1) ಪೌಲಾ ಪಿಲಿಪ್ಪಿ ಸಭೆನೆ ವಂದನೆ ಕತೊ ಪತ್ರ ಶುರು ಕರಸ. 1:1-2
- 2) ಪಾಘಾತೊ ತೆ ತಿನಿ ಸ್ಥಿತಿನಾ ಹುತಿ ದಕ್ಟಿಯೊ ಮಹಿತಿಯೊ ವಾಟಿಲಿವಸ. ವರಿತ್ಯುನೊನೆ ರ್ಡಯಲ ತರಕ್ಕನಾ ಹುತಿ ವಾಟಿಲಿವಸ 1:3—2:30
- 3) ಪಾಘಾತೊ ತೆ ಕ್ರಿಸ್ತನಿ ಜಿವ್ವಾ ಕರಾನಾ ಹುತಿ ಘನ್ನಾ ಕಾರ್ಯ ರುಪಮಾ ವಾಟಿ ದೆಕಾಡಿನ ದಿವಸ 3:1—4:9
- 4) ಪೌಲಾ ಪಿಲಿಪ್ಪಿ ಸಭೆನೆ ತ್ಯುನೆ ಮೊಕ್ಲಲ ಉಡುಗರೆನಾ ಹುತಿ

ಧನ್ಯವಾದ ಕೈನ ತಿನ್ನು ವಂದನೆ ಕತೊ ಪತ್ರ ಮುಕ್ತಾಯಾ ಕರಸ.4:10-23

¹ ಯೆಸು ಕ್ರಿಸ್ತನೊ ಆಳ ಥಯಲ ಪೌಲಾ ತಿಮೊಥಿ ಫಿಲಿಪ್ಪಿವಾಲಾವೊನೆ ಬರ್ದಾನು ಪತ್ರ. ಯೆಸು ಕ್ರಿಸ್ತನಾ ಮುಲಕ ಕ್ಷುದಾ ಪರಿಶುದ್ಧ ರ್ಡಯಲ ಮನಕ್ಟೊನೆ ಕ್ಷಾರಾ ಮ್ಹೊಟಾ ಮನಕ್ಟೊನೆ ಸಭಿಮಾ ಸೆವೆ ಕರಾಲಾವೊನೆ ಹಮೆ ಎ ಪತ್ರ ಬರ್ದಾಡ್ಯಾಸ. ² ಮಾರೊ ಬಾ ಥಯಲ ಕ್ಷುದಾಕ್ತು ವರಿ ಯೆಸು ಕ್ರಿಸ್ತ ತುಮೊನೆ ಕೃಪಾ ವರಿ ಶಾಂತಿ ಮಳಾದೆ.

ಪೌಲಾನಿ ಪ್ರಾರ್ಥನಾ

³ ಹಮೆ ತುಮೊನೆ ಶೆ ಕರ್ತಾ ಟೆಮ್ಮಾ ಕ್ಷುದಾನೆ ಸೊತ್ರಾ ಕರಿಯೆಸ,
⁴ ಮಿ ಕ್ಷಾರಾವೊನಾಹುತಿ ಹಮೆಶಾಬಿ ಖುಶಿಕ್ತುಪ್ರಾರ್ಥನಾ ಕರಾವಾಲೊ ಥೌಸ.

⁵ ಕಾಕದ್ಯಾಮ ತುಮೆ ಪೈಲಾತಾಬಿ ಹಙ್ಗುನ ಲಕ್ಕಾಬಿ ಸುವಾರ್ತೆ ಪ್ರಚಾರಮಾ ಮದತ ಕರಾಲಾ ಥಯಾಸ ಕೈನ ಮಾರಾ ಕ್ಷುದಾನೆ ಕೃತದನ್ಯತಾ ಸುತ್ತಿ ಕೌಸ.

⁶ ಎ ಚೊಕು ಕಾಮ ತುಮೊಮಾ ಶುರುಕರಲವಾಲೊ ತೆ ಚಲೈಲಿನ ಭಾವಲೊ ಯೆಸು ಕ್ರಿಸ್ತ ಆವಾನಾ ದಿನಮಾ ಪುರ್ಣತನೆ ಲಾವಸ ಕೈನ ಮನೆ ಬರೊಕ್ಟೊಱಿ.

⁷ ತುಮೊಮ್ಮಾ ರ್ಡಯೆಲ ಮನೆ ಗ್ವತ್ತ ತಾವಾನು ಚೊಕ್ತು ವ್ಹೈ ಮಿ ಭಂದನಮ್ಮಾ ರ್ಡತಾಮ್ಹಾಬಿ ಸುವಾರ್ತೆ ನಾಹುತಿ ವಾದ ವಿವಾದಮಾ ತುಮೆ ಕ್ಷಾರಾ ಮಾರಾ ಕ್ಷಾತೆ ಕ್ಷುದಾನಿ ಮರ್ಗಾಮಾ ವಾಟೊ ಲಿವಾಲಾ ಥಯಾಸ ತುಮೊನೆ ಮಾರಾ ಮನಸ್ಸಮ್ಮಾಮ್ಹೈಲ್ಯುಸ.

⁸ ಕ್ರಿಸ್ತ ಯೆಸು ರ್ಡಯಲ ಮರಗಾಕ್ತು ತುಮಾರಾಹುತಿ ಕೆಕ್ಲೊಕೆ ಆಸ ಕರುಸ. ಇನೆ ಕ್ಷುದಾಙ್ಗ ಸಾಕ್ಷಿ ವ್ಹೈ

⁹ ವರಿ ತಮಾರಿ ಮಯಾ ಹಙ್ಗು ಘನಿ ಥಾತಿ ಕ್ಷಾರು ಗ್ಯಾನ ವಿವೆಕ ತಮೊನೆ ಮಳಾದೆ ಕೈನ ತಮಾರಾಹುತಿ ಪ್ರಾರ್ಥನಾ ಕರುಸ.

¹⁰ ಚೊಕ್ತು ಕೆಟನು ವಳಕಾನು ಫರಕ ಹುತಿ ಚೊಕುಙ್ಗ ರ್ಡಯೆಲ ಇನಿಲಿವಾಲಾ ಥೌ; ಕ್ರಿಸ್ತ ಆವಾನಾಮಾ ತುಮೆ ಪರಿಶುದ್ಧ ರ್ಡಯೆಲ ಸುಙ್ಗ

ತಪ್ಪನ್ನೈಸೊವಾಲಾ ಥೌ. 11 ಯೆಸು ಕ್ರಿಸ್ತ ಮುಲಕ ಥಯಲ ನಿತಿ ಕವಾನು ಫಲಕ್ಕು ಭರಲವಾಲಾ ಥೈನ ರ್ಲಾಯೆಲ ಕ್ಕಿದಾನೆ ಘನತೆ ವರಿ ಸ್ತೊತ್ರ ಕೌ ಕೈನ ಮಾಂಗಿಲ್ಯಸ.

11 ಯೆಸು ಕ್ರಿಸ್ತನಾ ಮುಲಕ ರ್ಲಾಯೆಲ ನಿತಿ ಕವಾನು ಫಲ ಭರೆಯೆಲ ವಾಲಾರೊನೆ ರವಾನು ರ್ಲಾಯೆಲ ಕ್ಕಿದಾನೆ ಮರ್ಯಾದಿ ಸ್ತೊತ್ರಾ ಕರ್ಯಾ ಕೈನ ಮಾಗಿಲಿದ್ಯಾ.

ಜಿವ್ವಾ ಕರಾನಾ ಹುತಿ ಕ್ರಿಸ್ತ

12 ಭಾಯೊ ಮಾರಾಕ್ಹಾತೆ ಥಾವಾನು ಕ್ಹಾರು ಸುವಾರ್ತೆ ಕವಾನಾಹುತಿ ಮದತ್ತ ಥೈಕೈನ ತುಮೆ ತಿಳ್ವಿಲ್ಯ ಕೈನ ಮಾರು ಮನಸ್ಸ ಕರಸ.

13 ಕಿಮ ಕದ್ಯಾಮ ಮಿ ಯಕ್ಕ ಜೆಲಮ್ಮಾ ರ್ಲಾಯೆಲ ಕ್ರಿಸ್ತಾನಾಹುತಿ ಹೈ ಕಯೆನ ರಾಜಾನು ಘರ ಕೈದಾಲಾ ಕ್ಹಾರಾ ಜನಾವೊನೆ ವರಿ ಬಿಜಾವೊನೆಬಿ ಗೊತ್ತ ಥೈಯು.

14 ತೆನ್ನೈಸೊ ಭಾಯೊಮ್ಮಾ ಘನ್ನಾ ಜನಾ ಮನೆ ಜೆಲಮಾತ್ತಾ ಕರ್ತಾಮ್ತಾ ಭರೊಕ್ಕೊವಾಲಾ ಥೈನ ಕ್ಕಿದಾನಿ ವಾಕ್ಯ ಭೆವಾಚಿ ಕವಾನಾಹುತಿ ಹಜ್ಜು ಹೆಚಕಿ ಥೈಯ್ ವ್ವಂದಿಲಿದ್ಯಾಸ..

15 ದಕ್ಹಾ ಜನಾ ಸಂಗಟ ಫಾಲ್ಲಿನ ಭೆದ ಭಾವ ಹುಟ್ತೊ ಕೈನ ಮನಸ್ಸಕ್ಕು ವರಿ ಬಿಜಾ ದಕ್ಹಾ ಜನಾ ಖೊಕಿ ನಡತೆಕ್ಕೊ ಕ್ರಿಸ್ತನೆ ಪ್ರಚುರ ಕರಸ.

16 ಯುನೆತಬಿ ಮಿ ಸುವಾರ್ತನಾ ವಿಷಯಮ್ಮಾ ಉತ್ತರ ದಿವಾನಾಹುತಿ ನ್ಹ್ಯಾ ಫಾಲೆಲಹುತಿ ತಿಳ್ವಿಲಿನ ಮಯಾಕ್ಕು ಪ್ರಸಿದ್ಧಿ ಕರಾಡಾಸ.

17 ತೆ ಬಿಜಾ ತರಾನಾ ರ್ಲಾಯೆಲ ಮನಕ್ಕೊ ಮಿ ಬೆಡಿಯೊಕ್ಕು ಭಂದಾಯಲ ರ್ಲತಾಮಾಬಿ ಮನೆ ತ್ರಾಸ ದ್ಯುಕೈನ ವಿಚಾರ ಕರಿನ, ಕ್ಹರಿ ನೈ ರ್ಲಾಯೆಲ ಖುದ್ದನಾ ಉದ್ದೆಶ ಕ್ಕು ಕ್ರಿಸ್ತನೆ ಪ್ರಸಿದ್ಧ ಕರಸ.

18 ಕಿಮ್ಮೆಬಿ ಥಯುತಬಿ ಸು? ಕಿಮ್ಮೆಬಿ ರ್ಲೊನಕಾ ಕಯಾ ತರಿಕಾ ಕ್ಹುಬಿ ರ್ಲೊನಕಾ ಮಶಕರಿಮಾ ರ್ಲೊನಕಾ ಕ್ಹರಿಕ್ಕು ರ್ಲೊನಕಾ ಕಿಮ್ಮೆಬಿ ಕ್ರಿಸ್ತನಾ ವಿಷಯ ಕ್ಹರಿ ಜಗಾ ಗೊತ್ತ ಥಯಾರೆ ಅನಾಹುತಿ ಮಿ ಖುಶಿ ಥೌಸ ಆಗೊಬಿ ಖುಶಿ ಥೌಸ.

19 ತುಮೆ ಮಾರಾಹುತಿ ಪ್ರಾಥನಾ ಕರಾಡಾಸ ವರಿ ಯೆಸು ಕ್ರಿಸ್ತನಿ ಆತ್ಮಾಮನೆ ಮದತ ಕರಾಡಿಸ. ತಿನಾಹುತಿ ಮಾರೊ ತ್ರಾಸ ಮನೆ ರಕ್ಷಣೆ ಕರಸ ಕೈನ ಮನೆ ಗ್ವತ್ತ ಛೆ.

20 ಕಿಮ್ಮ ಕದ್ಯಾಮ ಮಿ ಕೈ ವಿಷಯಮಾಬಿ ಸರ್ವಮ್ಯಾವಾಚಿ ಹಮೆಶಾ ಲಿಂಗತ ಹಮ್ಮಾಬಿ ಧೈರ್ಯಕ್ಕುಛೆ. ಮಿ ವಾಚೊತಬಿ ಸೈಛಿ ಮರ್ಯೊತಬಿ ಸೈಛಿ ಮಾರಾ ಅಂಗನಾ ಮುಲಕ ಕ್ರಿಸ್ತನಿ ಮಹಿಮಾ ಥಾ ಕೈನ ಮಾರಿ ಆಸ ವ್ಹೊ

21 ಮನೆತೊ ವಾಚು ಕೈನ ಕವಾನು ಕ್ರಿಸಜ ವ್ಹೊ ಮರೊತ್ತುಬಿ ಪೈದೊಞ ಛೊ

22 ಮಿ ಜಿವೊ ರ್ವಯಾತಬಿ ಫಲದಿವಾನು ಕಾಮ ಮನೆ ರ್ವವಸ. ತೆನ್ನೆಸೊ ಮಿ ಮರುಸ? ನೈತೊ ವಾಚುಸು? ಸು ಇನಿಲ್ಯು ಕೈನ ಮನೆ ತಿಲ್ದಾಡು ನತ್ತಿ.

23 ಎ ಬೆಮಾ ಸು ಇನಿಲ್ಯು ಕವಾನು ಕರಿನ ಛೆ. ಯ್ಹಾತ್ತಾ ಗೈನ ಕ್ರಿಸ್ತನಾ ಕ್ಹಾತೆ ರ್ವೊಕ್ಕೈನ ಮಾರಿ ಆಸ ವ್ಹೊ ತೆ ಘನು ಚೊಕ್ಕುವ್ಹೊ

24 ತೆನ್ನೆಸೊ ಮಿ ತೊ ಅಂಗಮಾ ಅರಾಮ ಥಯಲವಾಲಾ ತ್ಯುಮಾರಾಹುತಿ ತುಮೊನೆ ಘನು ಅವಶ್ಯಕ ಛೆ.

25 ತಿನಾಹುತಿ ತುಮೊನೆ ಕ್ರಿಸ್ತನೊ ಭರೊಕ್ಕೊ ಅಗು ಭಡಾನು ವರಿ ಕ್ಹುಶಿ ಥಾವಾನಾ ಹುತಿ ಮಿ ಜಿವೊ ಧೈನ ತುಮಾರಾ ಕ್ಹಾತೆ ರ್ವೊಸ ಕೈನ ಘಟ್ಟಿ ಮನಸ್ಸಕ್ಕುನಂಬ್ಯೊಸ.

26 ಇಮ್ಮ ಮಿ ಫರಿನ ತುಮೊಕನ ಆವಾನಾ ಹುತಿ ತುಮೆ ಯೆಸು ಕ್ರಿಸ್ತನಾ ವಿಷಯಮಾ ಕ್ಹುಶಿ ಕರಾನೆ ಮಕ್ಕುಘನು ಮದ್ವತ್ತ ರ್ವವಸ.

27 ಇಮ್ಮ ಕ್ರಿಸ್ತನಾ ಸುವಾತೆಮಾ ಯೊಗ್ಯ ಥಯೆನ ಚ್ಯಾಲಿ ಜಾವೊ. ತೆಲಾಮಾ ಮಿ ಅಯೆನ ತುಮೊನೆ ದೆಕ್ಕಯವಾಲಾ ಕ್ಕರಿಞ ವೆ.

28 ತಮೆ ತಿಮ್ಮ ರಹೆಲಕ್ಕು ದುಶ್ಮನೊ ಹಾಳಥಾವಾನೆ, ತಮಾರಾ ರಕ್ಷಣೆನಾ ಹುತಿ ಯಕ್ಕ ವಳಕ ಛೆ. ತೆ ಕ್ಹುದಾಕ್ಕು ಥಯಲ ಪೈಲಾಜ ವಳಕ ಧೈಸ.

29 ಕ್ರಿಸ್ತನಾ ಉಪ್ಪರ ಭರೊಕ್ಕೊ ಮ್ಹಿಲಾನು ಯಕ್ಕ ನ್ಹಿವೈ ತಿನಾಹುತಿ

ದುಖ ಕ್ಷಾವಾನಾ ಹುತಿ ತಮನೊನೆ ವರಾ ಧೈನ ಮಳಿಸ.

30 ಇಮ್ಮ ತಮೆ ಮಾರಾಮ್ ದಿಕ್ಕೆಲ ವರಿ ಮಾರಾ ಹುತಿ ಪುಚಾನು ತೆ ಹೊರಾಟೆ ತಮನೊನೆ ಬಿ ಥಾವಾಸ.

2

1 ಕ್ರಿಸ್ತಕ್ಕು ಪ್ರೊತ್ಸಾಹ, ಮಯಾ,ಸಮಾಧಾನ,ಪವಿತ್ರತ್ವಾನಿ ಅನ್ಯುನತೆ, ಮರಗಾ ಹುಟಸ.

2 ತಮ್ಮೆ ಕ್ಷಾರಾ ಯಕ್ಕ ಮನಸಕ್ಕು ಯಕ್ಕ ಮಯಾಕ್ಕು ಅನ್ಯುನತೆ ಥಯಲ ವಾಲಾ ವರಿ ಯಕ್ಕ ಗುರಿಕ್ಕು ಮಾರಾ ಕ್ಷುಶಿನೆ ಪುರಾ ಕರೊ.

3 ಕ್ಷುದನಾ ಹುತಿ ರ್ಷ್ಟಿನೆಕಾ, ಮಿ ವ್ವೈ ಕೈನ ಕವೈಲಿವಾನು ಕೈಯುಜ ಕರೆವಾಚಿ ಹರ ಯಕ್ಕೊಚ್ಚೊಕಾ ಮನಸಕ್ಕು ಬಿಜೆಕ್ಲಾನೆ ತಿತಿಬಿ ಚ್ಚೊಕೊ ವ್ವೈ ಕೈನ ಕವಾದೆ.

4 ತಮಾರಾಮ್ ಹರಯಕ್ಕೊ ಕ್ಷುದಾಹುತಿ ದೆಕಿಲಿದೆ ವಾಚಿ ಬಿಜ್ಞಾನಾಹುತಿ ಬಿ ದೆಕಾದೆ.

5 ಕ್ರಿಸ್ತ ಯೆಸಲಿಂಗತ ತಮಾರುಬಿ ಮನಸ ರ್ಷ್ಟವಾದೆ.

6 ತೆ ಕ್ಷುದಾನಾನಿಂಗ ರ್ಷ್ಟಯೊ ತಬಿ ವರಿಬಿ ಕ್ಷುದಾನೆ ಹೊಲಸಾನೆ ತೆ ವಿಚಾರ ಕರೈಯ್ತೆ.

7 ತಿನಾಕ್ಕು ತೆ ತಗಸಿಲಿನ ಆಳನಿಂಗ ರ್ಷ್ಟಿನ ಮನಕ್ಕನೆ ಸಮಾನ ಥಯೊ. ಮನಕ್ಕನಾ ರುಪನಿಂತ ದಿಕ್ಕೊ.

8 ತೆ ತಿನಾಕ್ಕು ತಗಸಿಲಿನ ಮೌತನೆ ಕದ್ಯಾಮ ಶಿಲೆಬಿನಿ ಮೌತ ರ್ಷ್ಟಿನೆಕಾ ಒಪ್ಪಿಲಿವಾನಾಕ್ಕೊವಿದೆ ಥಯೊ.

9 ಇನಾಹುತಿ ಕ್ಷುದಾ ತಿನೆ ಘನಿ ಮೊಟ್ಟಿ ಸ್ಥಾನ ದಿನ ಕ್ಷಾರಾ ನಾಮ್ತಿ ಶ್ರೆಷ್ಠನಾಮ್ತಿ ದಿದ್ವೊ.

10 ತಿನಾಹುತಿ ಸ್ವರ್ಗಮ್ ಜಿಮಿನ ಪರ ಪಾತಾಳಮಾ ರ್ಷ್ಟಹೆಲವಾಲಾ ಯೆಸುನಾ ನಾಮ್ತಿಪರ ಉಂದಾಘುಡಗಾ ಘಾಲಿನ ಅಡ್ಡ ಪಡಿನ

11 ಬಾ ಥಯಲ ಕ್ಷುದಾನಿ ಮಹಿಮಾನಾ ಹುತಿ ಹರಯಕ್ಕ ಜಿಬಬಿ ಯೆಸು ಕ್ರಿಸ್ತನೆ ಕರ್ತಾ ವ್ವೈ ಕೈನ ತಿಳದಿಲಿವಾನು.

12 ತಿಮ್ಮ ರ್ಲ್ಯಯಲಕ್ಕು ಮಾರಾ ಮಯಾನಾ ತಮ್ಮೆ ಮಾರಾ ವಾತೊ ಹಮೆಶಾಬಿ ಪಾಲನೆ ಕರಲ ಲಿಂಗತ ಹಮ್ಮಾಬಿ ಪಾಲನೆ ಕರೊ. ಮಿ ತಮಾರಾ ಕ್ಹಾತೆ ರ್ಲ್ಯತ್ತಾಮ್ಮಾಯಕ್ಕ ನೈಸೊ, ಮಿ ನೈಸೊ ಟೆಮ್ಮಾಘನಿ ಭಕ್ಕು ಕಾಪಾಲಾ ಥೈನ ತಮಾರಾ ತಮಾರಾ ರಕ್ಷಣೆ ಕರಲಿಯೊ.

13 ಕಾಕದ್ಯಾಮ್ಮಾ ಕ್ಹುದಾ ದೆಕಾಡಲ ಜ ಪುರಾ ಕರು ಕೈನ ತುಮೊಮ್ಮಾ ಉದ್ದೆಶ ವರಿ ಕೊಶಿಶ ಹುಟಸಾಲೊ ಥಯೊಸ.

14 ಗುಣೆಗುಟಿವಾಚಿ ವಿವಾದ ರ್ಲ್ಯಹೆ ವಾಚಿ ಕ್ಹಾರು ಕರೊ.

15 ಇಮ್ಮ ತುಮೆ ತಪ್ಪ ನೈಸೊವಾಲಾ ವರಿ ಯಕ್ಕಜ ಮನಸ್ಸವಾಲಾ ಥೈನ ವಾಕಿ ಗ್ಯಾನ ಪಿಸಾಳಾವೊನಿ ಜಾತನಿ ವಚಮ್ಮಾ ಕ್ಹುದಾನಾ ತಪ್ಪ ನೈಸೊವಾಲಾ ಬಚ್ಚಾ ಥಾವೊಶಿ.

16 ತ್ಯುನೊಮ್ಮಾ ತಮ್ಮೆಬಿಞಾವೊನೆ ಜಲಮ್ಮ ದಿವಾನಿ ವಾಕ್ಯ ದೆಕಾಡಿನ ದಿವಾನಾಹುತಿ ದುನಿಯಾಮ್ಮಾ ಚಮ್ಮಕಾವಾಲಾ ಚುಕಿಯೊ ಥಾವೊಶಿ. ತಮ್ಮೆ ಅಮ್ಮ ಚಾಲ್ಯಾಮ್ಮ ಮಿ ಸುವಾರ್ತೆನಾ ಹುತಿ ನ್ಹಾಟಲ ಲುಕ್ಸಾನ ಥಾತುನೈ, ಮಿ ಪ್ರಯಾಸ ಕರಲ ಹಾಳ ನೈ ಥಾತು ಕವಾನು ಕಲಿವಾನು ಕ್ರಿಸ್ತನಾ ದಿನೊಮ್ಮಾ ಮನೆ ಮಳಸ.

17 ತಮಾರೊ ಭರೊಕ್ಲೊ ಕವಾನು ಯಜ್ಞ ಕ್ಹುದಾನೆ ಚಡಾವಾನು ಸೆವಾಮ್ಮಾ ಮಿಜ ಬಲಿಥೈನ ಅರ್ಪಿತ ಥೈವು ಕೈನ ಮನೆ ಖುಶಿ ವ್ಹೈ, ತಮಾರಾ ಕ್ಹಾತೆಬಿ ಪಿ ಕರುಸ,

18 ತಿಮ್ಮಜ್ಜ ತಮೆಬಿ ಖುಶಿ ಕರೊ, ಮಾರಾ ಕ್ಹಾತೆ ಖುಶಿ ಕರೊ.

19 ತಿನಾಹುತಿ ಮಿ ತಿಮೊಥಿನೆ ಜಲದಿಜ ತಮನೊಕನ ವಳೊ ಕೈನ ಕರ್ತಾ ಥಯಲ ಯೆಸುಮ್ಮಾ ಮಾಂಗಿಲ್ಯುಸ. ತಿನಾ ಮುಖಾಂತರ ತಮಾರ ಸಂಗತಿಯೊ ತಿಳ್ವಿನ ಮಿ ಆದರಣೆ ವ್ಹಂದ್ಲೊ.

20 ತಿನಾಲಿಂಗತ ತುಮಾರಾ ಕಾಮೊನಾ ಹುತಿ ಕ್ಹರಿಕ್ಕು ಚಿಂತಾಕರಾಲಾ ಮಾರಾ ಕ್ಹಾತೆ ಕುನಜ ನತ್ತಿ.

21 ಕ್ಹಾರಾಜನಾ ತ್ಯುನಾಕಾಮ್ಮಾ ಮನಸ ಮ್ಹೆಲಸ ಹೊರತ್ತಾಗಿ ಯೆಸು ಕ್ರಿಸ್ತನಾ ಕಾಮ್ಹಪರ ಮನಸ ನೈಮ್ಹೆಲತ್ತಾ.

22 ತಿನಾಹುತಿ ತಿಮೊಥಿನಾ ಯೊಗ್ಯತೆನೆ ತಮೆ ತಿಳದಿಲಿದ್ಯಾಸು. ದಿಕ್ರೊ

ಬಾಪನೆ ಕಿಮಜ ತಮ್ಮಜ ತೆ ಮಾರಾ ಕ್ಹಾತೆ ಸುವಾರ್ತಾ ಪೈಲಾವಾನೆ ಸೆವೆ ಕರಾಡ್ಕೊಸ ಕೈನ ತಮನೊನೆ ಗೊತ್ತ ಛೆ.

23 ತಿನಾಹುತಿ ಮಾರು ವಿಚಾರ ಕಿಮಥಾವಸ ಕೈನ ತೆ ಗೊತ್ತ ಥಯಲ ಪರ ತಿನೆ ವಳಾವಾನೆ ವಿಚಾರ ಕರುಸ.

24 ತೆನ್ನೆಸೊ ಮಿಬಿ ಜಲದಿಜ ಔಸ ಕೈನ ಕರ್ತಾ ಪರ ಘನೊ ಭರೊಕ್ಕೊ ಮೈಲೊಸ.

25 ಮಾರು ಕಮಿ ನಿಗಾನೆ ತಮ್ಮೆವಳಾಯೆಲ ಮಾರಾ ಭಾಯೊ ಮಾರಾ ಕ್ಹಾತೆ ರ್ಹಯಲ ಸೆವಕೊ ಸಹಸೆನಾನಿ ಥಯಲ ಎಪಪ್ಪೊದಿತನೆ ತಮನೊ ಕನೆ ವಳಾವಾನು ಅವಶಕ್ಯ ವ್ಹೈ ಕೈನ ಮಿ ವಿಚಾರ ಕರೊಕ್ಕೊಸ.

26 ತೆ ತಮಾರಾ ಹುತಿ ಮಾಯಾ ಕರಾಡೊತೊ ಪರಿ ತೆಬಿ ಅರಾಮ ನೈರ್ಹಯಲ ಸುದ್ದಿ ತಮೆ ಐಕೆಲಕ್ಕುತೆ ದುಖ ಕರಲಿದ್ಲೊ.

27 ತೆ ರೊಗಮ್ಮಾ ಪಡಿನ ಮಾರಾನೊ ವ್ಹತ್ತೊಸು ಕೈನ ಕ್ಕರಿಜ ವೈಸು, ತಿನಾಹುತಿ ಕ್ಹುದಾ ತಿನೆ ಮರಿಗ್ಲೊ ತಿನೆ ಯಕ್ಕಜ್ಜ ನೈ ಮನೆಬಿ ದುಖ ರೊನ್ನೆಸೊ ಮರಗ್ಲೊ.

28 ತಿನಾಹುತಿ ತಮೆ ತಿನೆ ದೆಕಿನ ಫರಿಸ ಖುಶಿ ಕರು ಕೈನ ಮಾರು ದುಖ ಕಮ್ಮ ಥೊ ಕೈನ ಮಿ ತಿನೆ ಘನೊ ಗಡಬಡಕ್ಕು ವಳಾಯೊ.

29 ತಿಮ್ಮ ರ್ಹತ್ತಾಮ್ಮಾ ತಮೆ ಮನೆ ಕರಾನು ಕಾಳಜಿಮ್ಮಾ ಕಮಿ ಭರಾನೆ ತೆ ಜಲಮ್ಮನು ಆಸ ಛೊಡಿನ ಕ್ರಿಸ್ತನಾ ಸೆವೆನಾ ಹುತಿ ಮಾರಾನಾ ಸ್ಥಿತಿಮ್ಮಾ ರ್ಹತ್ತಾಮ್ಮಾ ತಮ್ಮೆ ತಿನೆ ಪುರಾ ಖುಶಿಕ್ಕು ಕರ್ತಾನಾ ಪರ ಮಳೆಲಿಯೊ ತೆವಾವೊನೆ ಮರಿಯಾದಿ ವೈವಾಲಾ ಕೈನ ಮೊಜೊ.

30 ತೆ ಕ್ರಿಸ್ತನಾ ಕಾಮನಾ ಹುತಿ

3

ಖರಿನಿ ನಿಯತ್ತ

1 ಲಾಸ್ವಮ್ಮಾ ಮಾರಾ ಭಾಯೊ ಕರ್ತಾಮ್ಮಾ ಖುಶಿ ಕರು. ಪೈಲಾ ತಿಳದೆಲ ತೆ ವಾತೊ ವತಿ ಲಿಕಾನಾಹುತಿ ಮನೆಸು ಬಾಜಾರ ನತ್ತಿ ತೆ ಅಪನೊನೆ ಘಟ್ಟ ಕರಸ.

2 ತೆ ಕುತ್ತಾರೊವೊಕ್ಕು ಹುಶಾರ ರ್ಹೊ. ಕೆಟ್ಟಕಾಮೊ ಕರವಾಲಾಕ್ಕು ಹುಶಾರ ರ್ಹೊ. ಖತ್ನಾ ಕೈನ ಕವೈಲಿನ ಅಂಗ ಕಟ್ಟೆಲಿವಾಲಾವೊ ಕ್ಕು ಹುಶಾರ ರ್ಹೊ.

3 ಕ್ಕರಿನಾಜ ಖತ್ನಾ ಕರವಾಲಾ ಕುವೈ ಕದ್ಯಾಮ್ ಕ್ಕುದಾನಿ ಆತ್ಮಾಕ್ಕು ಭರಲವಾಲಾ ಆರಾಧನಾ ಕರವಾಲಾ ಕ್ರಿಸ್ತ ಯೆಸುಮ್ ಮುಶಿ ಕರವಾಲಾ ಅಂಗನು ಸಂಬಂಧರ್ಹೊಲೊಮ್ ಭರೊಕ್ಕೊ ನೈರ್ಹೊಲವಾಲಾ ಹಮೆಜ್ ವ್ಹೊ

4 ಮಿತೊ ಅಂಗನು ಸಂಬಂಧರ್ಹೊಲೊಮ್ ಭರೊಕ್ಕೊ ಮ್ಹೊಲಾನೆ ಬಿ ಮೊಕೊಱೆ. ಬಿಜಾ ಕುನಬಿ ಅಂಗನು ಸಂಬಂಧರ್ಹೊಲೊಮ್ ಭರೊಕ್ಕೊ ಮ್ಹೊಲಾನೆ ವಿಚಾರ ಕರ್ಮಾಮ್ ಮಿ ತಿನಾತಿ ಹೆಚ್ಚಗಿ ತಿಮ್ಮಜ ವಿಚಾರ ಕರಸಕಸಿ.

5 ಹುಟ್ಟಿನ ಆಟವಾ ದಿನಮ್ ಮನೆ ಖತ್ನಾ ಧೈವು, ಮಿ ಇಸ್ರಾಯೆಲ ಖಾಂದಾನೊವೈ, ಬೆನ್ಯಾಮಿನನ ಜಾತನೊ ವ್ಹೊ ಇಬ್ರಿಯಮ್ ತೊ ಹುಟೆಲ ಇಬ್ರಿವಾಲೊ ವ್ಹೊ ಧರಮಶಾಸ್ತ್ರನಾ ನಜರಮ್ ದೆಕ್ಕಾಮ್ ಮಿ ಫರಿಸಾಯನೊ ವ್ಹೊ

6 ಆಸಕ್ತಿ ದೆಕ್ಕಾಮ್ ಮಿ ಕ್ರಿಸ್ತನಾ ಸಭೆನೆ ತರಾಸ ಕರಲವಾಲೊ ವ್ಹೊ ಧರಮಶಾಸ್ತ್ರನಾ ನಿಯಮನಾ ಪ್ರಕಾರ ದೆಕ್ಕಾಮ್ ಮಿ ತಪ್ಪ ನೈಸೊ ವ್ಹೊ

7 ತೆನೈಸೊ ಮನೆ ಫೈದೊರ್ಹೊಲೊಮ್ ಕ್ರಿಸ್ತನಾ ಹುತಿ ಲುಕ್ಸನ ಮೊಜೊ.

8 ತೆಕ್ಕುಜ ನೈಸೊ ಮಾರಾಕರ್ತಾ ಧಯಲ ಯೆಸು ಕ್ರಿಸ್ತನಾನಿಂತ ಚಾಲಾನು ಘನು ಚೊಕು ವ್ಹೊ ಕೈನ ವಳಕಿನ ಯೆ ಕ್ಕಾರು ಮಿ ಹಾಳ ಥಾವಾ ವ್ಹೊ ಕೈನ ಕೈಲಿದ್ಯೊಸ. ತಿನಾಹುತಿ ಮಿ ಕ್ಕಾರು ಜವೈಲಿನ ತೆ ಕ್ಕಾರಾನೆಜ ಮಿ ಕಸ ವ್ಹೊ ಕೈನ ಕಲಿದ್ಯೊ.

9 ಇಮಾ ವಿಚಾರ ಸುವೈ ಕದ್ಯಾಮ್ ಮಿ ಕ್ರಿಸ್ತನೆ ಕಮೈಲಿನ ಧರಮಶಾಸ್ತ್ರನೆ ಫಲ ಧೈನ ರ್ಹಯಲ ಕ್ಕುದನಿ ನಿತಿ ನ್ಹವೈ ಕ್ರಿಸ್ತ ಪರ ಭರೊಕ್ಕೊ ಕರ್ಮಾಮ್ ಕದ್ಯಾಮ್ ಕ್ರಿಸ್ತಪರ ಫಲಾನಾ ಭರೊಕ್ಕೊ ಫಲಾನಾ ಹುತಿ ಕ್ಕುದಾ ದಿವಾನಿ ನಿತಿ ಹೊಂದಿಲಿನ ಕ್ರಿಸ್ತಮ್ ರ್ಹವಾಲೊ ವ್ಹೊಜ್.

10 ತಿನೆ ತಿನಾ ಪುನರುತ್ಥಾನಮಾ ರ್ಹಿಯಲ ತಾಕತನೆ, ತಿನಾ ತರಾಸಮ್ಮಾವಾಟೊ ಲಿವಾಲೊ ತಿನಿ ಯಕ್ಕ ಪದವಿ ವ್ಹೈ ಕೈನ ತಿಳದಿಲಿನ ತಿನಾ ಮೌತನಾ ಹುತಿ ತಿನಾನಿಂತ ಜ ರುಪ ಲಿವಾಲೊ ಕೈನ ಮಾರಿ ಆಸ ಧೈಸ.

11 ಇಮ್ಮ ರ್ಹೈಮ್ಮ ಮರಲವಾಲಾ ದಕ್ಕಾಜನಾವೊನೆ ಥಾವಾನು ಪುನರುತಾನು ಅನುಭವ ಮನೆ ಬಿ ಥಾಸ.

ಲಕ್ಷ ಮುಟ್ಟಾನಾ ಹುತಿ ನ್ಹಾಟಾನು

12 ಅಕ್ಕಾಮ್ಜ ಮಿ ಯೆ ಕ್ಹಾರು ಪಡದಿಲಿನ ಪುರಾ ಥಾವಾನಾ ಹುತಿ ಆಯೆಲವಾಲೊ ವ್ಹೈ ಕೈನ ಕತೊನ್ನೈ ತೆನ್ನೈಸೊ ಮಿ ಸು ಹೊಂದೊಲಿವಾನಾ ಹುತಿ ಯೆಸು ಕ್ರಿಸ್ತಜ ಮನೆ ಧರಲಿದ್ಯೊ ತೆ ಹೊಂದಿಲಿವಾನಾ ಹುತಿ ಕೊಶಿಶ ಕರಾಡ್ಯೊಸ.

13 ಭಾಯೊ ಮಿ ಪಡದಿಲಿವಾಲೊ ವ್ಹೈ ಕೈನ ಮಿ ಹಜುನ ಲಕ್ಕಾ ಕೈಲಿತೊ ನೈ ತೆನ್ನೈಸೊ ಯಕ್ಕ ಮಿ ಪಾಚ ಥಯಲ ಕ್ಹಾರು ಇಕ್ಕರಿನ ಅಗ್ಗು ಥಾವಾನು ಕರಾನಾ ಹುತಿ ಮಿ ತಗ್ಗಲವಾಲೊ ಧೈನ,

14 ಕ್ಹುದಾ ಕ್ರಿಸ್ತನಾ ಮುಲಕ ಅಪ್ಪೊ ಉಪ್ಪರ ಬಲೈನ ಅಪ್ಪಾ ಕ್ಹಾಮೊ ಮುಕಲ ಬಿರುದ ಹೊಂದಾನಿ ವಾಟಿ ಮಳಾದೆ ಕೈನ ನ್ಹಾಟೊಡೊಸ.

15 ಅಪ್ಪಾಮ್ಜಾಶಾಣ್ಯಾಥಯಲವಾಲಾ ಕ್ಹಾರಾ ಯೆ ವಿಷಯಮ್ಮಾಯೆಜ ವಿಚಾರವಾಲಾ ಧೈನ ರ್ಹೈ ವರಿ ಯಕ್ಕ ಕೈಬಿ ವಿಷಯಮ್ಮಾ ತುಮೆ ಬಿಜಿ ವಿಚಾರವಾಲಾ ಥಯಲ ರ್ಹೈಯಾಮ್ಜಾ ತೆ ಕ್ಹುದಾ ತುಮೊನೆ ದೆಕಾಡಿನ ದಿವಸ.

16 ತೆತೊ, ಅಪೆ ಕಯೊ ತರಿಕಾನಿಂತ ಚಾಲಿನ ನ್ಹಾಲಕ್ಕಾಬಿ ಆಯಾ ತಿನಾನಿಂತಚ ಚಾಲಿನ ಗಯೆ.

17 ಭಾಯೊ ವರಿ ಭೆನೊ, ತುಮೆ ಮಾರಾಕ್ಹಾತೆ ಮಳಿನ ಮಾರಾ ಕ್ಹಾತೆ ಚಾಲಾವಾಲಾ ಥಾವೊ ಹಮೆ ದೆಕಾಡಾನಾ ತರಿಕಾಮ್ಜಾ ಚಾಲಾವಾಲಾವೊನೆ ಧ್ಯಾನ ಲಿವೊ.

18 ಕಾಕದ್ಯಾಮ್ನ ಘನಾಙನಾ ಕ್ರಿಸ್ತನಾ ಶಿಲೆಬೆನಾ ವಿರೊದ್ಧ ಧೈನ ಚಾಲಸ. ತ್ಯುನಿ ವಿಷಯಮ್ನಾ ತುಮೊನೆ ಕೆಕ್ಲಿಸಲ ಕದ್ಯೊ ಹಮ್ನಾ ಬಿ ರೊತೊ ಕೌಸ.

19 ಹಾಳಥವಾನುಜ ತ್ಯುನಿ ಲಾಸ್ವನಿ ಪರಿಸ್ಥಿ ವ್ಹೈ ಪೆಟಜ ತ್ಯುನು ಕ್ಹುದಾವೈ ಸರಾಮಾವುನಜ ಕಾಮ್ನ ತ್ಯುನೊನೆ ಚುಕು ವ್ಹೈ ತ್ಯುನೆ ದುನಿಯಾಮ್ನಾರ್ಠಯಲ ಕಾಮೊನೆ ಚಿಂತಾ ಕರಸ.

20 ಅಪೆತೊ ಸ್ವರ್ಗನಾ ಪ್ರಜೆ ವ್ಹೈ ಕರ್ತಾ ಥಯಲ ಯೆಸು ಕ್ರಿಸ್ತ ತ್ಯಾತೊಜ ರಕ್ಷಕ ಧೈನ ಆವಾನೊ ದೆಕಾತ್ತಾ ಛಿ.

21 ತೆ ಕ್ಹಾರುಜ ತಿನಾ ಅದಿನಮ್ನಾ ಕರಲಿವಾನು ಕ್ಹಾರಾವೊ ಪರ ಅದಿಕಾರ ವ್ಹಂದಲವಾಲೊ ಧೈನ ದಿನ್ನ ಸ್ವಭಾವಾಲೊ ಧೈನ ಅಪನು ಅಂಗ ಘನು ತಾಕತವರ ಧೈನ ತಿನಾ ಅಂಗ ಲಿಂಗತ ರುಪಾಂತರ ಕರಸ.

4

ಸುಚನೆ

1 ಮಾರಾ ಭಾಯೊ ಭೆನೊ ಮಿ ತುಮೊನೆ ಮಯಾ ಕರುಸ ವರಿ ತುಮೊನೆ ದೆಕಾನೆ ಆಸ ಕರುಸ ಮನೆ ತುಮೆ ಕ್ಹುಶಿ ಕರೊ ಮಿ ತಮಾರಾ ಹುತಿ ಹೆಮೆ ಪಡಾನಿನಿಂತ ಕರ್ಯಾಸ. ಮಿ ಕದಲನಿಂತ ತುಮೆ ಪ್ರಭುನಿ ವಾಟಪರ ಚಾಲೊ.

2 ಪ್ರಭುಮ್ನಾ ಯಕ್ಕಜ ಮನಸವಾಲಾ ರ್ಹ್ವಿಕ್ವೈನ ಮಿ ಯೆಹುದಿಳನೆ ವರಿ ಸಂತುಕೆನೆ ಸಮಾಧಾನಕ್ಕು ಮಾಂಗಿಲಿಸ.

3 ಮಾರಾ ದೊಸ್ತ, ತು ಮಾರಾ ಕ್ಹಾತೆ ಕಾಮ್ನಕರಾವಾಲೊ ಧೈನ ಸೆವೆ ಕರೊತೊ ರ್ಹ್ವಿಹುತಿ ಯೆ ಬಾಕಡಿನೆ ಬಿ ಮದತ ಕರು ಕೈನ ತುಕನ ಮಾಂಗಿಲ್ಯುಸ. ಯೆ ಬಾಕಡಿಯೊ ಮಾರಾ ಕ್ಹಾತೆ ಸುವಾರ್ತೆನಾ ಹುತಿ ಸೆವೆ ಕರಿಯೊಸ. ಮಾರಾ ಕ್ಹಾತೆ ಸೆವೆ ಕರಾತ್ತಾ ರ್ಠಯಲ ಕ್ಲೆಮನ್ನ ವರಿ ಬಿಙಾ ಸೆವಕೊನೆ ಕ್ಹಾತೆ ಯೆ ಬಾಕಡಿಯೊ ಸೆವೆ ಕರಿಯೊಸ. ಯೆ ಬಾಕಡಿಯೊನು ನಾಮ ಜಿವಭಾದ್ಯ ಬುಕ್ಕಮ್ನಾ ಬರ್ದಲ ಛಿ.

4 ಹಮೆಶಾಬಿ ಪ್ರಭುಮ್ನಾ ಖುಶಿ ಕರೊ; ಖುಶಿ ಕರೊ ಕೈನ ವರಿ ಕೌಸ.

5 ತುಮಾರು ಮೃದು ಸ್ವಭಾವ ಮರಗಾ ಮನಕ್ಕೊ ದೆಕಾವಾಲಾನಿಂತ ಥಾವಾದೆ. ಪ್ರಭು ಭೆಗಿನ ಆವಸ.

6 ಶಾನಾಹುತಿ ಚಿಂತಾ ಕರು ನಕೊ. ತೆನ್ನೆಸೊ ಪ್ರಾರ್ಥನಾ ಕರತ್ತಾ ತುಮೊನೆ ಚಾಯೆ ಥಯಲ ಕ್ಕುದಾಕನ ಮಾಂಗಿಲಿವೊ. ತುಮೆ ಪ್ರಾರ್ಥನಾ ಕರತಾಮ್ನಾ ಕ್ಕುದಾನೆ ಕೃತ್ಜ್ಜತ್ತಾ ಸ್ತುತಿ ಕರೊ.

7 ಕ್ಕುದಾನಿ ಶಾಂತಿ ಕ್ರಿಸ್ತಯೆಸುಮ್ಮಾ ತುಮಾರಾ ಮನಸೊನೆ ಕಾಯಿದಸ. ಕ್ಕುದಾ ದಿವಾನಿ ಯೆ ಶಾಂತಿ ಅಪೆ ನೈ ತಿಳದಿಲಿವಾನಾಕ್ಲ ಘನಿ ಮ್ಹೊಟಿಶೆ.

8 ಮಿ ತುಮೊನೆ ಲಾಸ್ವಮಾ ಸು ಕೌಸ ಕದ್ಯಾಮ ಭಾಯೊ ಭೆನೊ ಕಯು ಕ್ಕರಿ ವ್ಹೈಕಯು ಚೊಕು ವ್ಹೈನ್ಯಾಯ ವ್ಹೈಶುದ್ಧವ್ಹೈಮಯಾನಾ ಕಾಬಿಲ ವ್ಹೈ ಕಯು ಚೊಕು ದಿಕ್ವಸ ಕಯಾ ಚೊಕಿಯೊ ಚಾಳಿಯೊ ವ್ಹೈ ವರಿ ಕಯು ಮರ್ಯಾದಿನೆ ಕಾಬಿಲ ವ್ಹೈ ತೆ ಕ್ಕಾರಾವೊಪರ ತುಮಾರೊ ಧ್ಯಾನ ರ್ಹೈನಕಾ.

9 ತುಮೆ ಮಾರಾಕ್ಲ ಶಿಕಲ ಕ್ಕಾರು. ಹೊಂದಿಲಿದೆಲ ಕ್ಕಾರು ಐಕಲ ವರಿ ಡೊಳೆ ದೆಕೆಲ ಕರೊ. ತೆಳಾಮಾ ಶಾಂತಿ ದಿವಾಲೊ ಕ್ಕುದಾ ತಮಾರಾ ಕ್ಕಾತೆ ರ್ಹೈವಸ.

10 ಮಪರ ರ್ಹೈಯಲ ತುಮಾರಿ ಚಿಂತಾವರಿ ತುಮೆ ದೆಕಡಿನೆದಿದಲ ಹುತಿ ಮಿ ಪ್ರಭುಮಾ ಘನ್ನು ಖುಶಿ ಕರುಸ. ತುಮೆ ಮಾರಾ ಹುತಿ ಚಿಂತಾ ಕರ್ತಾಳೆ. ತೆನ್ನೆಸೊ ತೆ ದೆಕಾಡಾನೆ ಮೌಕೊಜ್ಜ ನ್ಹೊತೊ.

11 ಮಿ ಎ ವಾತೊ ಕವಾನು ಮಾರಾಮಾರ್ಹೈಯಲ ಕಮಿಕ್ಲ ನ್ಹವೈ ಮಾರಾಮಾ ರ್ಹೈಯಲ ಕ್ಕಾರಾಮಾ ವರಿ ಮನೆ ಥಾವಾನು ಕ್ಕಾರಾವೊಮಾ ತೃಪ್ತಥಾವಾನೆ ಮಿ ಶಿಕ್ಕೊಸ.

12 ಭುಕ್ಕೊ ರ್ಹೈತಾಮಾ ಸಮೃದ್ಧಿ ರ್ಹೈತಾಮಾ ಕಿಮ ಜಿವ್ನಾ ಕರು ಕವಾನು ಮನೆ ಗ್ವತ್ತ ಥಯುಸ. ಕಯಾ ಟೈಮ್ಮಾಬಿ ಕೈಯಿ ಸ್ಥಿಮಾ ರ್ಹೈನಕಾ ಖುಶಿ ಮನೆ ಗ್ವತ್ತ ಲೆ. ಖಾವಾನೆ ಚಾಯೆ ಥಯಲ ತೆಕ್ಲ ನೈ ರ್ಹೈತಾಮಾಬಿ ಮನೆ ಚಾಯೆ ಥಯಲ ತೆಕ್ಲ ವ್ಹಂದತಾಮಾ ನೈ ವ್ಹಂದಟೈಮ್ಮಾ ಶಿಕ್ಕಿಲಿದ್ಹೊಸ.

13 ಕ್ರಿಸ್ತನಾ ಮುಲಕ ಕ್ಹಾರಾ ಕಾಮೊ ಕರ ಸಕುಸ. ಕಾಕದ್ಯಾಮ ತೆ ಮನೆ ತಾಕತ ದಿವಸ.

14 ವರಿಬಿ ಮಿ ತ್ರಾಸಮಾ ರ್ಹತಾಮಾ ತುಮೆ ಮನೆ ಮದದತ ಕರಲ ಚೊಕು ಥಯು.

15 ಎನ್ನೆಸೊ ಪಿಲಿಪ್ಪಿಗಾಮಾ ವಾಲಾ ಮಿ ಪೈಲಾ ತುಮೊಮಾ ಸುವಾರ್ತೆ ಕೈನ ಮೆಕೆದೊನಿಯೆ ಜಾತಾಮಾ ತುಮಾರಿ ಸಭೆ ಮನೆ ಮದತಕರಿಸ ಕೈನ ಮನೆ ಗ್ವತ್ತ ಛಿ.

16 ಮಿ ಥಸಲೊನೊಕಮಾ ರ್ಹತಾಮಾ ಮನೆ ಛಾಯೆ ಥಯಲ ತುಮೆ ಬೆ ತನ್ನ ಸಲಾ ದಿದ್ಯಾಸ.

17 ಕ್ಹರಿಮಾ ತುಮೊಕ್ಕು ಕೊಡಗೆ ಲಿವು ಕೈನ ಮಾರಿ ಆಸ ನ್ಹವೈ ತೆ ದಿವಾನಾ ಮುಲಕ ಅಗೊ ಹೆಚ್ಚಿ ದಿವಾನಾ ಹುತಿ ಆಶರ್ವಾದೊ ತುಮೆ ವ್ಹಂದಿ ಲ್ಹು ಕೈನ ಮಾರಿ ಆಸ ವ್ಹೈ.

18 ಎಪೆಫ್ರೊದಿತ ತುಮೆ ದಿದಲ ಮನೆ ಲೈನ ದಿದಲ ಹುತಿ ಛಾಯೆ ಥಯಲಮ ತೆಕ್ಲ ಘನ್ನು ಛಿ. ತುಮೆ ದಿದಲ ಕ್ಹಾರು ಕ್ಹುದಾನೆ ಛಡಾಯಲ ಪರಿಮಳ ರ್ಹಯಲ ಬಲಿ ಛೈಸ. ಎ ಕ್ಹುದಾನೆ ಪಸಂದ ಛೈಸ.

19 ಮಾರೊ ಕ್ಹುದಾ ಯೆಸುನಾ ಮುಲಕ ತಿನಿ ಪ್ರಭಾವನೆ ಸೌಕಾರ್ತಾನೆ ಕ್ಹುತುಮೊನೆ ಛಾಯೆ ಥಯಲ ತೆಕ್ಲ ದಿವಸ.

20 ಅಪ್ಪೊ ಬಾ ಥಯಲ ಕ್ಹುದಾನೆ ಹಮೆಶಾಬಿ "ಮಹಿಮಾ" ಥಾವಾದೆ ಆಮೆನ.

21 ಕ್ಹುದಾನಾ ಕ್ಹಾರಾಮನಕ್ಕೊನೆ ಕ್ರಿಸ್ತಮಾ ಮಾರಿ ನಮಸ್ಕಾರ ಕೈನ ಮಾರಾ ಕ್ಹಾತೆ ಭಾಯೊ ಭೆನೊ, ತುಮೊನೆ ನಮಸ್ಕಾರ ಕರ್ಯಾಸ.

22 ಕ್ಹಾರಾ ಕ್ಹುದಾ ಬಚ್ಚಾ ತುಮೊನೆ ನಮಸ್ಕಾರ ಕರ್ಯಾಸ. ಸಿಸರ ರಾಜಾನಾ ಘರ್ಮಾ ರ್ಹಯಲ ಬರೊಕ್ಹಾಲಾಬಿ ತುಮೊನೆ ನಮಸ್ಕಾರ ಕರ್ಯಾಸ.

23 ಪ್ರಭು ಯೆಸು ಕ್ರಿಸ್ತನಿ ಮರ್ಗಾ ತುಮಾರಾ ಕ್ಹಾತೆ ರ್ಹವಾದೆ.

ಕ್ಪದಾನಿ ಕ್ಕರಿನಿ ವಾಕ್ಯಾ
The New Testament in the Sholaga language of Indea:
ಕ್ಪದಾನಿ ಕ್ಕರಿನಿ ವಾಕ್ಯಾ

copyright © 2023 The Word for the World International

Language: (Sholaga)

Contributor: The Word for the World South Asia

ಕ್ಪದಾನಿ ಕ್ಕರಿನಿ ವಾಕ್ಯಾ
ನವು ವಡಂಬಡಿಕೆ, 2023

The New Testament in Sikkiligar Language

The Word for the World International

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-07-02

PDF generated using Haiola and XeLaTeX on 1 Jul 2025 from source files dated 2 Jul 2025

c4493657-eaaf-5555-9b4b-b1cd97f111ff